



CANTON SARAJEVO
Cantonal Civil Protection Administration
Operational Center

Broj: 04-40-1-87/20
Sarajevo, 28.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 27.03.2020. do 08:30 sati 28.03.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Štab je u cilju realizacije svoje naredbe, koja se odnosi na dostavu lijekova osobama starijim od 65 godina koje žive same i koje nemaju bližeg srodnika da se brine o njima, dostavio spiskove Zavodu zdravstvenog osiguranja Kantona Sarajevo, kako bi općinski štabovi civilne zaštite putem sekretara mjesnih zajednica mogli preuzimati lijekove iz apoteka propisane kao redovna terapija za ovu kategoriju stanovništva i iste predavati volonterima Crvenog križa Kantona Sarajevo i općinskih organizacija crvenog križa koji će lijekove dostavljati osobama starijim od 65 godina na adresu stanovanja.

Dana, 27.03.2020. godine pripadnici Kantonalne uprave civilne zaštite Kantona Sarajevo su u skladu sa naredbom i zaključkom Štaba, uručili KJP Veterinarska stanica Sarajevo u kojoj je formirana



Služba za veterinarske poslove, slijedeću zaštitnu opremu i sredstva: zaštitne rukavice 2000 komada, zaštitne maske 500 komada, zaštitno odijelo 12 komada i - alkohol 75% 100 litara.

Štab je u toku jučerašnjeg dana pripadnike navedene Službe angažovao na planskoj dezinfekciji javnih objekata i površina.

Općinski štab civilne zaštite Ilidža:

Općinski štab civilne zaštite je u toku jučerašnjeg dana angažovao svoje službe zaštite i spašavanja na dezinfekciji slijedećih prostora i ulica: Osijek, Hendekuša, Osik, Gaj brdo, Drage Filipovića, Karamušići, Osječki put, Bratunačka, Tukovi, Rate Dugonjića, Slana bara, Bosanskih ljljana, sve ulice u MZ Hrasnica I i prostor oko MZ, ambulanta i vjerski objekti, sve ulice u MZ Hrasnica II i prostor oko MZ, ambulanta i vjerski objekti, sve ulice u MZ Sokolović Kolonija i prostor oko MZ, ambulanta i vjerski objekti, sve ulice u MZ Donji Kotorac i prostor oko MZ i vjerski objekti, sve ulice u MZ Butmir i prostor oko MZ, ambulanta i vjerski objekti. Također, je izvršena i dezinfekcija zgrade Zavoda za javno zdravstvo Kantona Sarajevo i zgrade Općine Ilidža.

Općinski štab civilne zaštite Vogošća:

Općinski štab civilne zaštite je jučer u popodnevnom satima održao vanrednu sjednicu, na kojoj je na osnovu dostavljenih preporuka dežurnog epidemiologa donio naredbu kojom prestaje zabrana ulaska i izlaska iz zgrade u kojoj stanuje osoba koja je zaražena koronavirusom. Poduzete su preventivne mjere, urađena je dezinfekcija stubišta i ispitani stanari pomenute zgrade koji su dali izjave da nisu bili u kontaktu sa pacijenticom u vrijeme njene samoizolacije na osnovu čega je dežurni epidemiolog utvrdio da nema potrebe za izolacijom svih stanara u ovoj zgradi.

Aktivisti Crvenog križa Vogošća su u posljednja dva dana za osobe starije od 65 godina dostavili 108 obroka, kao i lijekove za četiri porodice, te prehrambeno-higijenskih paketa za četiri porodice.

Općinski štab civilne zaštite Hadžići:

Služba za vodosnabdijevanje i asanaciju terena izvršila je dezinfekciju ulica kao i u dva navrata detaljno dezinfikovala parking i trotoare oko Doma zdravlja i ambulante u Pazariću i Tarčinu. Navedena Služba je također, zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu.

Općinski štab civilne zaštite je aktivirao Gorsku službu spašavanja, čiji pripadnici će biti angažovani na dostavi lijekova i drugih životnih potreština građanima koji su stariji od 65 godina i koji žive sami i nemaju bližnjih srodnika da se brinu o njima.

Crveni križ Hadžići zaprimio je šest poziva od građana koji su zatražili pomoć u hrani i istim će u subotu (28. marta) biti dostavljeni paketi hrane.

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja od koronavirusa.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

U izvještajnom periodu Kantonalni operativni centar civilne zaštite primio je **jednu informaciju o pronalasku NUS-a**, dana 27.03.2020. godine u 12:54 sati, od građanina, da je na području Općine Hadžići pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su četiri manje intervencije (dvije na gašenju dimnjaka i dvije na gašenju niskog rastinja).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu je iznosila 4°C, relativna vlažnost zraka 69 % a barometarski pritisak 941 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski, željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1